

Na osnovu člana 26. i 28. stav (1) Zakona o Vladi Kantona Sarajevo ("Službene novine Kantona Sarajevo", broj 36/14 - Novi precišćeni tekst i 37/14 - Ispravka), Vlada Kantona Sarajevo, na 86. sjednici održanoj 14.07.2022. godine, donijela je

**UREDBU
O PROCJENI UTICAJA PROPISA U KANTONU
SARAJEVO
DIO PRVI - UVODNE ODREDBE**

Član 1.

(Predmet)

- (1) Ovom uredbom propisuje se način i postupak provođenja procjene uticaja propisa u kantonalnim ministarstvima, samostalnim kantonalnim upravama i samostalnim kantonalnim upravnim organizacijama (u daljem tekstu: kantonalni organi) koji kao obrađivači učestvuju u izradi prednacrta, nacrta ili prijedloga zakona, uključujući izmjene i dopune važećih zakona, uloga koordinatora

normativnih aktivnosti, kontrolnih tijela za provjeru procjene pojedinačnih uticaja, kao i uloga centralnog koordinirajućeg tijela, praćenje primjene, izvještavanje i evaluacija propisa, te stručno osposobljavanje i usavršavanje u ovoj oblasti.

- (2) Sastavni dio ove uredbe čine: Obrazac 1. (Obrazac za provođenje prethodne procjene uticaja propisa), Obrazac 2. (Obrazac za provođenje sveobuhvatne procjene uticaja propisa) i Obrazac 3. (Kontrolni obrazac o provođenju sveobuhvatne procjene uticaja propisa), koji se nalaze u Aneksu 1. ove uredbe.

Član 2.

(Cilj)

- (1) Cilj ove uredbe je uvođenje instrumenta procjene uticaja u zakonodavne procedure u kantonalnim organima kako bi se razmatranjem alternativnih rješenja doprinijelo kreiranju što kvalitetnijih zakona, te ostvarili identificirani ciljevi, otklonili mogući negativni efekti i odabrala najoptimalnija rješenja uz najmanje moguće troškove koje iziskuje provođenje zakona.
- (2) Istovremeno, cilj ove uredbe je podsticanje saradnje između kantonalnih organa i drugih institucija Kantona Sarajevo i drugih nivoa vlasti i koordinacije u kreiranju zakona, kao i jačanje transparentnosti i participativne demokratije kroz uključivanje svih zainteresiranih strana, uključujući javnost, u postupcima izrade, predlaganja, praćenja primjene i evaluacije zakona.

Član 3.

(Principi procjene uticaja)

Osnovni principi procjene uticaja su:

- usmjerenost - prijedlozi mogućih rješenja su usmjereni na ostvarivanje ciljeva zakona, uz potpuno ili djelimično otklanjanje negativnih uticaja odnosno rizika;
- srazmernost - prijedlozi mogućih rješenja srazmerni su značaju identificiranog problema i rizicima njegovog nerješavanja;
- odgovornost - prijedlozi mogućih rješenja trebaju biti rezultat precizne i detaljne procjene uticaja, što podrazumijeva i odgovornost nosilaca aktivnosti za odabir najpovoljnijeg rješenja;
- transparentnost - prijedlozi mogućih rješenja su rezultat konsultacija svih zainteresiranih strana;
- objektivnost - procjena uticaja i prijedlog najpovoljnijeg rješenja zasnova se na objektivnoj procjeni prema zadatim kriterijima;
- usklađenost - predložena rješenja uskladena su sa pravnim okvirom u Bosni i Hercegovini i međunarodnim standardima;
- fiskalna održivost - moguća rješenja i prijedlog najpovoljnijeg rješenja uskladieni su sa srednjoročnim fiskalnim okvirom;
- sveobuhvatnost - postupci procjene mogućih rješenja provode se prema svim kriterijima koji su primjenjivi.

Član 4.

(Rodna neutralnost izraza)

Gramatička terminologija korištenja muškog roda u ovoj uredbi podrazumijeva uključivanje oba roda.

DIO DRUGI - POJAM I VRSTE PROCJENE UTICAJA

Član 5.

(Pojam procjene uticaja)

- Procjena uticaja je instrument kojim se sveobuhvatnom analizom i identifikacijom problema, utvrđivanjem ciljeva i mogućih rješenja za njihovo ostvarivanje, procjenom pozitivnih i negativnih uticaja mogućih rješenja, poređenjem prednosti i nedostataka tih rješenja, omogućava odabir najboljih rješenja koja će biti sadržana u prednacrtu, nacrtu ili prijedlogu novog ili izmjeni i dopuni postojećeg zakona, ili odabir rješenja koja podrazumijevaju poduzimanje nenormativnih aktivnosti i mjera. Procjenom uticaja uspostavlja se okvir za praćenje primjene, izvještavanje i evaluaciju zakona.
- Procjena uticaja obuhvata konsultacije među kantonalnim organima i drugim institucijama Kantona Sarajevo, kao i konsultacije sa javnošću, a po potrebi i konsultacije sa institucijama drugih nivoa vlasti u Bosni i Hercegovini i drugim zainteresiranim stranama.

Član 6.

(Prethodna procjena uticaja)

- Prethodna procjena uticaja obavezno se provodi za sve zakone koji su obuhvaćeni prijedlogom godišnjeg programa rada Vlade Kantona Sarajevo, u skladu sa Odlukom o metodologiji izrade i donošenja programa rada i izvještaja o radu Vlade Kantona Sarajevo i kantonalnih organa ("Službene novine Kantona Sarajevo", br. 23/21 i 52/21), (u daljem tekstu: Odluka), kao i izmjenama i dopunama Odluke koje uslijede nakon donošenja ove uredbe.
- Vlada Kantona Sarajevo (u daljem tekstu: Vlada) može samoinicijativno ili na prijedlog obrađivača zakona odlučiti da se prethodna procjena provede i za zakone koji nisu obuhvaćeni godišnjim programom rada.
- Vlada, u slučaju ukazane potrebe i prema vlastitoj procjeni, može odlučiti da se provede prethodna procjena uticaja za određene podzakonske propise koja u tom slučaju postaje obavezujuća za kantonalne organe/obrađivače i koji u postupku procjene uticaja primjenjuju odredbe ove uredbe.
- Obrađivač zakona je dužan da u roku predviđenom Odlukom iz stava (1) ovog člana, uz prijedlog godišnjeg programa rada kantonalnog organa, dostavi usaglašenu prethodnu procjenu uticaja zakona koji su uvršteni u prijedlog.
- Prethodna procjena uticaja provodi se na osnovu kriterija utvrđenih u Obrascu 1. s ciljem utvrđivanja da li zakon može imati značajne uticaje u jednoj ili više oblasti u skladu sa propisanim kriterijima i prilaže se uz prijedlog godišnjeg programa rada Vlade.
- Obrađivač zakona kontroliše prethodnu procjenu uticaja i ovjerava Obrazac 1. svojim potpisom.

Član 7.

(Sveobuhvatna procjena uticaja)

- Sveobuhvatna procjena uticaja provodi se za sve zakone za koje je prethodnom procjenom uticaja iz člana 6. ove uredbe utvrđeno da mogu imati značajne ili vrlo značajne uticaje u jednoj ili više oblasti u skladu sa propisanim kriterijima.

- (2) Sveobuhvatna procjena uticaja provodi se i za podzakonske propise za koje Vlada donese odluku o obavezi provođenja procjene uticaja.
- (3) Sveobuhvatna procjena uticaja se provodi u skladu sa kriterijima utvrđenim u Obrascu 2. koji se obavezno prilaže uz obrazloženje iz člana 63. Pravila i postupaka za izradu zakona i drugih propisa Federacije Bosne i Hercegovine ("Službene novine Federacije BiH", broj 71/14, u daljem tekstu: Pravila) i dostavlja centralnom koordinirajućem tijelu.
- (4) Prethodna procjena uticaja iz člana 6. ove uredbe i činjenice utvrđene u Obrascu 1. služe kao polazna osnova za provođenje sveobuhvatne procjene uticaja.

DIO TREĆI - POSTUPAK PROCJENE UTICAJA

Član 8.

(Provodenje procjene uticaja)

- (1) Procjenu uticaja iz čl. 6. i 7. ove uredbe provodi obrađivač zakona.
- (2) Procjena uticaja se provodi u skladu sa osnovnim principima izrade propisa iz člana 73. Pravila i obuhvata sljedeće korake:
 - a) analizu stanja i utvrđivanje problema,
 - b) utvrđivanje općih i specifičnih ciljeva,
 - c) identifikaciju mogućih opcija za postizanje utvrđenih ciljeva,
 - d) procjenu uticaja opcija u skladu sa utvrđenim kriterijima,
 - e) provodenje međuinstitucionalnih i konsultacija sa javnošću i
 - f) provodenje uporedne analize predloženih opcija i predlaganje najpovoljnijih rješenja.

Član 9.

(Analiza stanja i identifikacija problema)

- (1) Analiza stanja obuhvata detaljan opis situacije u oblasti na koju se odnosi zakon i identificira probleme koji prozilaze iz ove situacije, kao i njihove posljedice. Analizom stanja se utvrđuju zainteresirane strane na koje se odnose identificirani problemi. Ova analiza uključuje i pregled relevantnog strateškog okvira i drugih dokumenata i izvora na osnovu kojih su problemi identificirani, kao i pregled propisa kojima je regulisana predmetna oblast, uključujući i međunarodni pravni okvir.
- (2) Analiza obavezno sadrži obrazloženje neophodnosti normativno-pravnog rješavanja identificiranog problema u odnosu na druga moguća rješenja.

Član 10.

(Utvrđivanje općeg i specifičnih ciljeva)

- (1) Ciljevi zakona moraju biti precizno i konkretno formulirani kao očekivani rezultati normativno-pravnog regulisanja i uzročno-posljedično povezani sa identificiranim problemima. Opći cilj ukazuje na krajnji dugoročni uticaj zakona na stanje u oblasti koja se reguliše, dok se specifičnim ciljevima identificiraju pojedinačna rješenja koja dovode do ostvarivanja općeg cilja.
- (2) Pri utvrđivanju ciljeva nužno je voditi računa o njihovoj preciznosti i konkretnosti, mjerljivosti, relevantnosti i ostvarivosti u jasno određenim rokovima.

Član 11.

(Identifikacija mogućih opcija za postizanje utvrđenih ciljeva)

Procjenom uticaja je potrebno obuhvatiti najmanje tri moguće opcije za rješenje identificiranih problema i postizanje utvrđenih ciljeva, i to:

- a) opciju zadržavanja postojećeg stanja kojom će se ukazati na posljedice nerješavanja identificiranih problema u narednom periodu;
- b) opciju djelimičnog rješavanja identificiranih problema parcijalnim normativnim rješenjima ili poduzimanjem određenih mjera izvan kreiranja ili mijenjanja regulatornog okvira;
- c) opciju usvajanja novog i sveobuhvatnog normativnog okvira (ili izmjena i dopuna postojećeg pravnog okvira) kojim će se u potpunosti ili u najvećoj mogućoj mjeri riješiti identificirani problem.

Član 12.

(Procjena uticaja identificiranih opcija)

- (1) Identificirane opcije procjenjuju se u odnosu na sljedeće uticaje:
 - a) fiskalni uticaji procjenjuju se za svaku od utvrđenih opcija u odnosu na očekivane uticaje na budžet na osnovu Pravilnika o proceduri za izradu izjave o fiskalnoj procjeni zakona, drugih propisa i akata planiranja na budžet ("Službene novine Federacije BiH", br. 34/16 i 15/18) i obuhvataju sljedeće:
 - fiskalnu procjenu uticaja na prihode i rashode za tekuću i naredne dvije budžetske godine, sa obrazloženjem za svaku pojedinačnu stavku i uz navođenje izvora i načina obezbjeđenja neophodnih sredstava i
 - fiskalnu procjenu uticaja za budžetske i izvanbudžetske korisnike Kantona Sarajevo i uticaja na druge budžete, kao i izvanbudžetske fondove.
 - b) ekonomski uticaji utvrđenih opcija procjenjuju se posebno u odnosu na sljedeće kriterije:
 - prлив investicija,
 - zapošljavanje u privrednim subjektima,
 - sivu ekonomiju,
 - produktivnost, poslovanje privrednih subjekata i njihove operativne troškove,
 - konkurentnost i nelojalnu konkurenčiju,
 - nove administrativne troškove za privredne subjekte,
 - uticaj na imovinska prava,
 - uspostavljanje novih javnih ovlaštenja,
 - razvoj i poslovanje malih i srednjih preduzeća,
 - druge identificirane ekonomske uticaje, ukoliko se procjenjuju značajnim.
 - c) socijalni uticaji utvrđenih opcija procjenjuju se posebno u odnosu na sljedeće kriterije:
 - zaposlenost i pristup tržištu rada,
 - prava vezana za kvalitet radnog mjesta,
 - socijalnu uključenost i zaštitu posebno ranjivih društvenih grupa ili pojedinaca,
 - javno zdravlje,
 - pristup socijalnoj i zdravstvenoj zaštiti i obrazovanju,
 - kulturu,

- javnu sigurnost, uključujući kriminal i terorizam,
 - druge identificirane socijalne uticaje, ukoliko se procjenjuju značajnim.
- d) uticaji identificiranih opcija na zaštitu osnovnih ljudskih prava i sloboda procjenjuju se posebno u odnosu na sljedeće kriterije:
- ravnopravnost polova,
 - pravo na jednak tretman, posebno u dijelu ostvarivanja materijalnih prava, zapošljavanja, rada i drugih zagarantovanih prava,
 - direktnu ili indirektnu diskriminaciju,
 - pravo na privatnost i zaštitu ličnih podataka,
 - jednak pristup pravdi i pravo na besplatnu pravnu pomoć,
 - pravo na pristup informacijama i
 - druge identificirane uticaje koji se odnose na zaštitu ljudskih prava, ukoliko se procjenjuju značajnim.
- e) uticaji identificiranih opcija na zaštitu životne okoline procjenjuju se posebno u odnosu na sljedeće kriterije:
- klima,
 - kvalitet zraka,
 - kvalitet vode, mora i vodnih resursa,
 - kvalitet i upotreba zemljišta,
 - korištenje energije (obnovljivi i neobnovljivi izvori energije),
 - upravljanje otpadom,
 - uticaj aktivnosti privrednih subjekata na okolinu,
 - zdravlje životinja i biljaka i sigurnost hrane i
 - druge identificirane uticaje na okoliš, ukoliko se procjenjuju značajnim.
- f) procjena mogućih koruptivnih rizika u zakonima vrši se posebno u odnosu na sljedeće kriterije:
- jasnoću, nedvosmislenost i preciznost odredaba,
 - adekvatno ograničavanje diskrecionih ovlaštenja nosilaca vlasti,
 - jasno i sveobuhvatno utvrđene procedure i postupke,
 - regulisanje sprječavanja sukoba interesa,
 - transparentnost,
 - adekvatnost utvrđenih sankcija,
 - kreiranje neopravdano povlaštenog položaja grupa ili pojedinaca i
 - druge rizike koji mogu uticati na razvoj korupcije, ukoliko se procjenjuju značajnim.
- (2) Mjerila za procjenu očekivanih uticaja su:
- a) bez uticaja (ili sa zanemarljivim uticajem),
 - b) značajni i
 - c) vrlo značajni uticaji.

Član 13.

(Provodenje međuinstitucionalnih i konsultacija sa javnošću)

Sveobuhvatne konsultacije među kantonalnim organima i drugim institucijama Kantona Sarajevo i po potrebi institucijama drugih nivoa vlasti u Bosni i Hercegovini, kao i konsultacije sa javnošću (uključujući strukovna udruženja, nevladine organizacije, predstavnike akademске zajednice, predstavnike međunarodnih organizacija i druge zainteresirane

strane) su sastavni dio procjene uticaja, a provode se u skladu sa čl. 70. i 78. do 86. Pravila.

Član 14.

(Provodenje uporedne analize opcija i predlaganje odabrane opcije)

- (1) Uporedna analiza predloženih opcija i odabir najpovoljnije opcije se vrši primjenom kriterija iz člana 75. stav (3) Pravila i dodatnih kriterija:
- a) "postizanje cilja" predstavlja kriterij koji obradivač koristi kako bi procjenio zadovoljava li prednacrt propisa postavljene ciljeve u najvećoj mogućoj mjeri;
 - b) "provedivost" predstavlja kriterij koji obradivač koristi radi procjene u kojoj se mjeri prednacrt propisa može efikasno primijeniti kroz postojeću strukturu javne uprave; ovaj kriterij obuhvata i sljedeće podkriterije:
 - "finansijska izvodljivost" podrazumijeva raspoloživost finansijskih sredstava (budžetska ili vanbudžetska sredstva) koja su potrebna za realizaciju rješenja;
 - "organizaciona izvodljivost" podrazumijeva raspoloživost organizacionih kapaciteta, uključujući znanje, iskustvo, vodstvo, organizacionu sposobnost, motivaciju i sl.;
 - "tehnička provedivost" podrazumijeva raspoloživost, odnosno postojanje potrebnih tehničkih sredstava i opreme za provođenje rješenja.
 - c) "jasnoća" predstavlja kriterij koji obradivač koristi kako bi procjenio da li ciljne grupe (npr. privatni sektor) mogu bez poteškoća da na ispravan način razumiju i primjenjuju odabranu rješenja;
 - d) "troškovi primjene" predstavljaju kriterij koji obradivač koristi kako bi procjenio troškove i moguće uštede koje se direktno odnose na provođenje propisa;
 - e) "uskladenost" predstavlja kriterij koji obradivač koristi kako bi procjenio stvara li novi propis konfliktnе međuzavisnosti s drugim propisima, što može dovesti do neželjenih pratećih efekata, u smislu da, npr. oni na koje se propis ne odnosi ostvaruju određenu korist ili trpe određene štete;
 - f) "integralni pristup" predstavlja kriterij koji obradivač koristi kako bi na uravnotežen način primijenio međusektorski pristup u postupku procjene društvenih, ekonomskih, ekoloških i drugih uticaja;
 - g) "održivost" podrazumijeva dugoročni pozitivni uticaj rješenja u širem okruženju i dužem vremenskom periodu i kapacitete različitih učesnika za provođenje odabranog rješenja u dugoročnom smislu;
 - h) "efikasnost" podrazumijeva omjer koristi i troškova, odnosno u kojoj mjeri se mogu ostvariti očekivani ishodi, rezultati i uticaji u odnosu na troškove provođenja rješenja.
- (2) Na osnovu kriterija iz stava (1) ovog člana, međusobnim poređenjem utvrđenih opcija analiziraju se njihove glavne prednosti i nedostaci i utvrđuje prijedlog najpovoljnije opcije.

DIO ČETVRTI - PROVOĐENJE, KOORDINACIJA I KONTROLA POSTUPKA PROCJENE UTICAJA**Član 15.**

(Koordinatori postupka procjene uticaja)

- (1) Obrađivači zakona dužni su da u okviru radnih mesta utvrđenih pravilnicima o unutrašnjoj organizaciji propisu poslove koordinatora za postupak procjene uticaja radi osiguranja metodološkog jedinstva i dosljedne primjene odredaba ove uredbe.
- (2) Dužnosti koordinatora iz stava (1) ovog člana posebno obuhvataju sljedeće zadatke:
 - a) koordinacija postupka i pružanje stručne pomoći u provođenju prethodne i sveobuhvatne procjene uticaja unutar kantonalnog organa;
 - b) saradnja sa kontrolnim tijelima i centralnim koordinirajućim tijelom u vezi sa provođenjem postupka procjene uticaja;
 - c) osiguranje provođenja sveobuhvatnih konsultacija među kantonalnim organima kao i drugim institucijama u Kantunu Sarajevo i po potrebi institucijama drugih nivoa vlasti u Bosni i Hercegovini u postupku procjene uticaja;
 - d) osiguranje dosljedne primjene Metodologije za procjenu uticaja iz člana 24. ove uredbe i predlaganje mjera rukovodioču kantonalnog organa u cilju unapređenja postupka procjene uticaja unutar kantonalnog organa;
 - e) obavljanje drugih poslova u skladu sa ovom uredbom.

Član 16.

(Kontrolna tijela procjene uticaja)

- (1) Obradivač dostavlja zahtjev za mišljenje o provedenoj procjeni uticaja sljedećim kontrolnim tijelima:
 - a) Ministarstvu finansija Kantona Sarajevo u pogledu provjere procjene fiskalnih uticaja i ekonomskih uticaja, u skladu sa njegovim nadležnostima;
 - b) Ministarstvu za rad, socijalnu politiku, raseljena lica i izbjeglice Kantona Sarajevo u pogledu provjere provedene procjene socijalnih uticaja, u skladu sa njegovim nadležnostima;
 - c) Ministarstvu pravde i uprave Kantona Sarajevo u pogledu provjere provedene procjene uticaja na zaštitu ljudskih prava i sloboda, u skladu sa njegovim nadležnostima;
 - d) Ministarstvu komunalne privrede, infrastrukture, prostornog uređenja, građenja i zaštite okoliša Kantona Sarajevo u pogledu provjere procjene uticaja na životnu sredinu, u skladu sa njegovima nadležnostima;
 - e) Uredu za borbu protiv korupcije i upravljanje kvalitetom Kantona Sarajevo u pogledu procjene uticaja koruptivnih rizika u zakonima, u skladu sa njegovim nadležnostima.
- (2) Kontrolna tijela dužna su dostaviti mišljenja iz stava (1) ovog člana u roku od 10 dana od dana prijema zahtjeva za mišljenje.

Član 17.

(Centralno koordinirajuće tijelo)

- (1) Ministarstvo pravde i uprave Kantona Sarajevo (u daljem tekstu: Ministarstvo) vrši poslove Centralnog

koordinirajućeg tijela za postupak sveobuhvatne procjene uticaja.

- (2) Ministarstvo razmatra normativni dio nacrt-a godišnjeg programa rada kantonalnog organa i vrši uvid u Obrazac 1. o izvršenoj prethodnoj procjeni uticaja te dostavljeni obrazac, po potrebi, vraća obrađivaču radi dorade, uz odgovarajuće upute i rok za doradu.

Član 18.

(Postupak razmatranja sveobuhvatne procjene)

- (1) Obradivač je dužan da izvještaj o provedenoj sveobuhvatnoj procjeni uticaja sačinjen na Obrascu 2., zajedno sa obrazloženjem iz člana 63. Pravila i prednacrtni, nacrtom ili prijedlogom zakona objavi na svojoj internet stranici u cilju provođenja sveobuhvatnih konsultacija iz člana 13. ove uredbe.
- (2) Nakon provođenja sveobuhvatnih konsultacija, obrađivač izrađuje izvještaj koji sadrži analizu pribavljenih komentara i prijedloga, sa kojima po potrebi uskladjuje Obrazac 2. i prednacrt, nacrt odnosno prijedlog zakona sa obrazloženjem.
- (3) Obradivač pribavlja mišljenja kontrolnih tijela iz člana 16. ove uredbe i po potrebi sa pribavljenim mišljenjima usaglašava Obrazac 2. i prednacrt, nacrt odnosno prijedlog zakona sa obrazloženjem.
- (4) U slučaju neslaganja obrađivača sa mišljenjem nadležnog kontrolnog tijela, uz Obrazac 2. se prilaže i očitovanje u vezi sa spornim pitanjem.
- (5) Usaglašeni Obrazac 2. i prednacrt, nacrt odnosno prijedlog zakona sa obrazloženjem se dostavljaju Ministarstvu koje kao centralno koordinirajuće tijelo popunjavanjem i ovjerom Obrasca 3. daje u roku od 10 dana mišljenje o provedenoj sveobuhvatnoj procjeni uticaja u pogledu poštivanja svih proceduralnih koraka sadržanih u ovoj uredbi.
- (6) Centralno koordinirajuće tijelo dužno je da Obrazac 3. dostavi obrađivaču zakona u roku od 10 dana od dana prijema dokumenata iz stava (5) ovog člana.
- (7) Ukoliko ocijeni da svi proceduralni koraci nisu ispoštovani, Centralno koordinirajuće tijelo vraća obrađivaču dokumente iz stava (5) ovog člana uz upute za doradu i određuje rok ne duži od 30 dana u kojem je obrađivač dužan doraditi dokumente.
- (8) Ukoliko Centralno koordinirajuće tijelo ne ovjeri Obrazac 3., prednacrt, nacrt ili prijedlog zakona neće biti uvršten u dnevni red sjednice Vlade.

DIO PETI - PRAĆENJE PROVEDBE I EVALUACIJA**Član 19.**

(Praćenje provođenja zakona)

- (1) Obradivač kontinuirano prati primjenu zakona na osnovu prikupljanja i analize podataka koji ukazuju na ostvarivanje ciljeva utvrđenih procjenom uticaja i napredak u odnosu na početno stanje, kao i eventualne probleme u provođenju, te o tome sačinjava izvještaj najmanje jednom godišnje.
- (2) Praćenje se vrši na osnovu pokazatelja izvršenja i uspješnosti provođenja zakona, koji uključuju polazne i ciljne vrijednosti, izvore i metode prikupljanja i verifikacije podataka.
- (3) Obradivač izrađuje obrasce za praćenje i izvještavanje i određuje od kojih kantonalnih organa i drugih institucija će redovno prikupljati podatke iz stava (1) ovog člana.

Član 20.

(Evaluacija zakona)

- (1) Evaluacija predstavlja postupak objektivnog, periodičnog procjenjivanja izrade, provođenja i rezultata usvojenog zakona primjenom kriterija relevantnosti, koherentnosti, efektivnosti, efikasnosti, održivosti i uticaja usvojenog zakona u odnosu na utvrđene ciljeve, a radi donošenja odgovarajućih zaključaka i preporuka za unapređenje zakona i/ili preduzimanje drugih mjera.
- (2) Evaluacija se provodi u skladu sa definisanim svrhom evaluacije, evaluacijskim kriterijima, evaluacijskim pitanjima, učesnicima u evaluaciji i ciljnim grupama. Evaluacija se provodi na osnovu utvrđene metodologije koja je prilagođena specifičnoj svrsi.
- (3) Evaluaciju provodi obradivač svake treće godine nakon stupanja zakona na snagu, uz mogućnost angažovanja vanjskih stručnjaka, uzimajući u obzir značaj zakona, raspoloživost i kapacitete ljudskih resursa, kao i potrebno vrijeme i sredstva za provođenje evaluacije.
- (4) Obradivač podnosi izvještaj o evaluaciji Vladi radi razmatranja i odlučivanja, a izvještaj o evaluaciji se objavljuje na internet stranici Vlade.

DIO ŠESTI - STRUČNO USAVRŠAVANJE

Član 21.

(Početna obuka)

- (1) Ministarstvo organizira početnu obuku za koordinatora postupka procjene uticaja iz člana 15. ove uredbe i državne službenike koji obavljaju normativno-pravne poslove u kontrolnim tijelima iz člana 16. ove uredbe i kantonalnim organima koji su obradivači zakona.
- (2) Početna obuka obavezno obuhvata sljedeće teme:
 - a) svrha i cilj procjene uticaja propisa, uključujući prethodnu i sveobuhvatnu procjenu uticaja propisa,
 - b) postupak procjene uticaja propisa,
 - c) analizu stanja i identifikaciju problema,
 - d) utvrđivanje općeg i specifičnih ciljeva,
 - e) identifikaciju mogućih opcija za postizanje utvrđenih ciljeva,
 - f) procjenu uticaja identificiranih opcija i kriterije za procjenu,
 - g) provođenje uporedne analize opcija i predlaganje odabrane opcije,
 - h) provođenje, koordinaciju i kontrolu postupka procjene uticaja propisa,
 - i) praćenje provedbe i evaluaciju propisa.

Član 22.

(Kontinuirano stručno usavršavanje)

Ministarstvo, putem Agencije za državnu službu Federacije Bosne i Hercegovine, osigurava kontinuirano stručno usavršavanje državnih službenika iz člana 21. stav (1) ove uredbe najmanje jednom godišnje, a po potrebi organizuje i stručne rasprave o provođenju procjene uticaja zakona i rješavanju pitanja iz prakse.

DIO SEDMI - PRELAZNE I ZAVRŠNE ODREDBE

Član 23.

(Usklađivanje propisa)

- (1) U roku od 30 dana od dana stupanja na snagu ove uredbe, Vlada će sa odredbama ove uredbe uskladiti:
 - Poslovnik o radu Vlade Kantona Sarajevo ("Službene novine Kantona Sarajevo", broj 4/16, 36/16, 43/20 i 10/21);
 - Uredbu o postupku i načinu pripremanja, izrade i dostavljanja propisa ("Službene novine Kantona Sarajevo", broj 50/17 - Drugi novi prečišćeni tekst i 2/18 - Ispравка);
 - Odluku o metodologiji izrade i donošenja programa rada i izvještaja o radu Vlade Kantona Sarajevo i kantonalnih organa ("Službene novine Kantona Sarajevo", broj 23/21 i 52/21).
- (2) Ministarstvo će u roku od 30 dana od dana stupanja na snagu ove uredbe izmijeniti postojeći Pravilnik o unutrašnjoj organizaciji i formirati jedinicu za obavljanje poslova Centralnog koordinirajućeg tijela iz člana 17. ove uredbe.
- (3) Kontrolna tijela iz člana 16. ove uredbe će u roku 30 dana od dana stupanja na snagu ove uredbe izmijeniti i dopuniti postojeće pravilnike o unutrašnjoj organizaciji i imenovati državne službenike koji će obavljati poslove kontrolora procjene uticaja zakona.
- (4) Obradivači zakona će u roku od 60 dana od dana stupanja na snagu ove uredbe imenovati koordinatora postupka procjene uticaja u skladu sa članom 15. ove uredbe.
- (5) U roku od osam dana od dana imenovanja koordinatora postupke procjene uticaja, obradivači zakona dužni su Ministarstvu dostaviti imena i prezimena i nazive radnih mjesta lica koja će obavljati dužnosti koordinatora postupka procjene uticaja.
- (6) Ministarstvo će uspostaviti Registr koordinatora postupka procjene uticaja, koji će sadržavati podatke iz stava (5) ovog člana.
- (7) Ministarstvo će provesti početnu obuku iz člana 21. ove uredbe do početka njene primjene.

Član 24.

(Metodologija za provođenje procjene uticaja zakona)

Ministarstvo u roku od 45 dana od dana stupanja na snagu ove uredbe izrađuje Metodologiju za provođenje postupka procjene uticaja zakona u skladu sa kriterijima za procjenu uticaja općinom utvrđenim ovom uredbom.

Član 25.

(Stupanje na snagu i početak primjene)

Ova uredba stupa na snagu osmog dana od dana objavljivanja u "Službenim novinama Kantona Sarajevo", a primjenjuje se 01.08.2022. godine.

Broj 02-04-27476-8/22

14. jula 2022. godine
SarajevoPremijer
Edin Forto, s. r.

Obrazac 1.**OBRAZAC ZA PROVODENJE PRETHODNE PROCJENE UTICAJA PROPISA**

Naziv prednacrta/nacrta/prijedloga propisa <i>(Obavežno navesti formu propisa: prednacrt, nacrt ili prijedlog propisa)</i>	
Obradivač (naziv organa)	
Datum	
1. Uskladenost prednacrta/nacrta/prijedloga propisa sa prijedlogom godišnjeg programa rada Vlade Kantona Sarajevo, pravnim okvirom i strateškim okvirom Kantona, Federacije Bosne i Hercegovine i Bosne i Hercegovine	
1.1. Koji je pravni osnov za donošenje propisa? Odgovor:	
1.2. Da li je oblast koja će biti regulisana propisom u isključivoj nadležnosti Kantona Sarajevo? Ukoliko je odgovor negativan, navedite druge nivo vlasti koji su nadležni za regulisanje predmetne oblasti? Odgovor:	
1.3. Da li je izrada propisa predviđena prijedlogom godišnjeg programa rada Vlade Kantona Sarajevo? Odgovor: DA/NE (označiti)	
1.4. Navedite zakone i druge propise (uključujući međunarodne sporazume i druge instrumente) kojima su regulisana pojedina pitanja u vezi sa predmetom propisa. Odgovor	
1.5. Da li je propis u skladu sa strateškim okvirom Kantona, Federacije Bosne i Hercegovine i Bosne i Hercegovine i kojim? Navesti sve relevantne strateške i planske dokumente i politike. Odgovor:	
1.6. Da li usvajanje propisa zahtijeva izmjenu, dopunu ili stavljanje van snage drugih propisa i kojih? Odgovor:	
2. Analiza postojećeg stanja i utvrđeni ciljevi prednacrta/nacrta/prijedloga propisa	
2.1. Navesti ključne probleme koji se nastoje riješiti usvajanjem ovog propisa. Navesti ciljne grupe i druge zainteresirane strane na koje će normativna rješenja imati uticaja. Odgovor:	
2.2. Koje su posljedice zadržavanja postojećeg stanja odnosno nerješavanja identificiranih problema normativnim putem ili poduzimanjem drugih mjera? Odgovor:	
2.3. Koji se opći i specifični ciljevi žele postići propisom (Član 10. Uredbe)? U kojoj mjeri i u kojem periodu se propisom mogu postići ovi ciljevi? Odgovor: Opći cilj: Specifični civiljni ciljevi:	
3. Rješenja koja se predviđaju prednacrtom/nacrtom/prijedlogom propisa i pregled mogućih nenormativnih rješenja	

3.1. Navedite ključna rješenja koja će biti obuhvaćena propisom radi adresiranja identificiranih problema i postizanja općeg i specifičnih ciljeva. Odgovor:					
3.2. Navedite nenormativne mjere (npr. obuke, edukacije, studije, okrugli stolovi i sl. ili druge nenormativne mjere) kojima je moguće postići opći i specifične ciljeve. Odgovor:					
4. Proces konsultacija <i>(sa ciljnim grupama i drugim zainteresiranim stranama identificiranim pod 2.I.)</i>					
4.1. Navedite sve kantonalne organe i institucije Kantona Sarajevo, kao i institucije drugih nivoa vlasti (ako je relevantno), sa kojima je potrebno provesti konsultacije i na koji način. Odgovor:					
4.2. Navedite podatke o konsultacijama sa institucijama, organizacijama i pojedincima koje je potrebno provesti u sklopu konsultacija sa javnošću i na koji način. Odgovor:					
5. Procjena uticaja propisa (odnosi se samo na opciju koja podrazumijeva normativna rješenja) (nivo uticaja: a) bez uticaja (ili sa zanemarljivim uticajem), b) značajni uticaji, c) vrlo značajni uticaji, u skladu sa članom 12. Uredbe					
5.1. UTVRDIVANJE FISKALNIH UTICAJA					
Vrsta uticaja		Mjerilo uticaja			
Utvrđite uticaj na:		a) bez uticaja (ili sa zanemarljivim uticajem)	b) značajni uticaji	c) vrlo značajni uticaji	
		Da/Ne	Da/Ne	Da/Ne	
5.1.1. Prihodi i rashodi za tekuću i naredne dvije budžetske godine					
5.1.2. Budžetski i izvanbudžetski korisnici i drugi budžeti, kao i vanbudžetski fondovi					
5.1.3. Drugi fiskalni uticaji, ukoliko se procjenjuju značajnim					
5.1.4. Obrazloženje za analizu utvrđivanja direktnih uticaja od 5.1.1. do 5.1.3.					
5.2. UTVRDIVANJE EKONOMSKIH UTICAJA					
Vrsta uticaja		Mjerilo uticaja			
Utvrđite uticaj na:		a) bez uticaja (ili sa zanemarljivim uticajem)	b) značajni uticaji	c) vrlo značajni uticaji	
		Da/Ne	Da/Ne	Da/Ne	
5.2.1. Priliv investicija					
5.2.2. Zapošljavanje u privrednim subjektima					
5.2.3. Siva ekonomija					
5.2.4. Produktivnost, poslovanje privrednih subjekata i njihove operativne troškove					
5.2.5. Konkurentnost i nelojalna konkurenčija					
5.2.6. Novi administrativni troškovi za privredne subjekte					

5.2.7.	Uticaj na imovinska prava			
5.2.8.	Ustpostavljanje novih javnih ovlaštenja			
5.2.9.	Razvoj i poslovanje malih i srednjih preduzeća			
5.2.10.	Drugi identificirani ekonomski uticaji, ukoliko se procjenjuju značajnim			
5.2.11.	Obrazloženje za analizu utvrđivanja direktnih uticaja od 5.2.1. do 5.2.10.:			
5.3.	UTVRĐIVANJE SOCIJALNIH UTICAJA			
	Vrsta uticaja	Mjerilo uticaja		
	Utvdite uticaj na:	a) bez uticaja (ili sa zanemarljivim uticajem)	b) značajni uticaji	c) vrlo značajni uticaji
		Da/Ne	Da/Ne	Da/Ne
5.3.1.	Zaposlenost i pristup tržištu rada			
5.3.2.	Prava vezana za kvalitet radnog mjesa			
5.3.3.	Socijalna uključenost i zaštita posebno ranjivih društvenih grupa ili pojedinaca			
5.3.4.	Javno zdravje			
5.3.5.	Pristup socijalnoj i zdravstvenoj zaštiti i obrazovanju			
5.3.6.	Kultura			
5.3.7.	Javna sigurnost, uključujući kriminal i terorizam			
5.3.8.	Drugi identificirani socijalni uticaji, ukoliko se procjenjuju značajnim			
5.3.9.	Obrazloženje za analizu utvrđivanja direktnih uticaja od 5.3.1. do 5.3.8.:			
5.4.	UTVRĐIVANJE UTICAJA NA ZAŠTITU LJUDSKIH PRAVA			
	Vrsta uticaja	Mjerilo uticaja		
	Utvdite uticaj na:	a) bez uticaja (ili sa zanemarljivim uticajem)	b) značajni uticaji	c) vrlo značajni uticaji
		Da/Ne	Da/Ne	Da/Ne
5.4.1.	Ravnopravnost spolova u smislu jednakog statusa, jednakе mogućnosti za ostvarivanje svih prava, kao i jednaku korist od ostvarenih rezultata			
5.4.2.	Pravo na jednakí tretman i prilike naročito u pogledu ostvarivanja materijalnih prava, zapošljavanja, rada i drugih zagarantovanih prava			
5.4.3.	Direktna ili indirektna diskriminacija			
5.4.4.	Pravo na privatnost i zaštitu ličnih podataka			
5.4.5.	Ostvarivanje pravne zaštite, djelotvoran pravni lik, pristup sudu i pravo na besplatnu pravnu pomoć			

5.4.6.	Pravo na međunarodnu zaštitu, privremenu zaštitu i postupanje s tim u vezi			
5.4.7.	Pravo na pristup informacijama			
5.4.8.	Drugi identificirani uticaji koji se odnose na zaštitu ljudskih prava, ukoliko se procjenjuju značajnim			
5.4.9.	Obrazloženje za analizu utvrđivanja direktnih uticaja od 5.4.1. do 5.4.8.:			
5.5.	UTVRĐIVANJE UTICAJA NA ZAŠTITU OKOLIŠA			
	Vrsta uticaja	Mjerilo uticaja		
	Utvrdite učinak na:	a) bez uticaja (ili sa zanemarljivim uticajem)	b) značajni uticaji	c) vrlo značajni uticaji
		Da/Ne	Da/Ne	Da/Ne
5.5.1.	Klima			
5.5.2.	Kvalitet zraka			
5.5.3.	Kvalitet vode i vodnih resursa			
5.5.4.	Kvalitet i upotreba zemljišta			
5.5.5.	Korištenje energije (obnovljivi i neobnovljivi izvori energije)			
5.5.6.	Upravljanje otpadom			
5.5.7.	Uticaj aktivnosti privrednih subjekata na okolinu			
5.5.8.	Zaštita životinja i biljaka i sigurnost hrane			
5.5.9.	Drugi identificirani uticaji na okoliš, ukoliko se procjenjuju značajnim			
5.5.10.	Obrazloženje za analizu utvrđivanja direktnih uticaja od 5.5.1. do 5.5.9.:			
5.6.	UTVRĐIVANJE MOGUĆIH KORUPTIVNIH RIZIKA			
	Vrsta uticaja	Mjerilo uticaja		
	Utvrdite uticaj na:	a) bez uticaja (ili sa zanemarljivim uticajem)	b) značajni uticaji	c) vrlo značajni uticaji
		Da/Ne	Da/Ne	Da/Ne
5.6.1.	Jasnoća, nedvosmislenost i preciznost odredaba			
5.6.2.	Adekvatno ograničavanje diskrecionih ovlaštenja nosilaca javne funkcije			
5.6.3.	Jasno i sveobuhvatno utvrđene procedure i postupci			
5.6.4.	Regulisanje sprječavanja sukoba interesa			
5.6.5.	Transparentnost			
5.6.6.	Adekvatnost utvrđenih sankcija			
5.6.7.	Kreiranje neopravdano povlaštenog položaja grupa ili pojedinaca			

5.6.8.	Drugi rizici koji mogu uticati na razvoj korupcije, ukoliko se procjenjuju značajnim			
5.6.9.	Obrazloženje za analizu utvrđivanja direktnih uticaja od 5.6.1. do 5.6.8.:			
6. Na osnovu prethodne procjene uticaja propisa utvrđeno je da POSTOJI – NE POSTOJI (<i>označiti</i>) potreba provođenja postupka sveobuhvatne procjene uticaja propisa.				
POTPIS KOORDINATORA POSTUPKA PROCJENE UTICAJA				
POTPIS RUKOVODIOCA OBRAĐIVAČA				

Obrazac 2.

OBRAZAC ZA PROVOĐENJE SVEOBUHVATNE PROCJENE UTICAJA PROPISA

Naziv prednacrta/nacrta/prijedloga propisa <small>(Obavezno navesti formu propisa: prednacrt, nacrt ili prijedlog propisa)</small>	
Obrađivač (naziv organa)	
Datum	
Pravni osnov za donošenje propisa	
1. Analiza stanja i identifikacija problema	
Opisite postojeće stanje i identificirane probleme u skladu sa članom 9. Uredbe. Analizirajte implikacije postojećeg stanja na ciljne grupe i druge zainteresirane strane. Analiza treba da obavezno sadrži obrazloženje neophodnosti normativno-pravnog rješavanja identificiranog problema u odnosu na druga moguća rješenja.	
Odgovor:	
2. Opći i specifični ciljevi propisa	
Identificirajte opće i specifične ciljeve u skladu sa članom 10. Uredbe. Pri utvrđivanju ciljeva nužno je voditi računa o njihovoj preciznosti i konkretnosti, mjerljivosti, relevantnosti i ostvarivosti u jasno određenim rokovima.	
Odgovor:	
Opći:	
Specifični:	

3. Identifikacija mogućih opcija za postizanje utvrđenih ciljeva

Identificirajte moguće opcije za postizanje utvrđenih ciljeva u skladu sa članom 11. Uredbe.

Odgovor:

Opcija 1.

(Opcija zadržavanja postojećeg stanja kojom će se ukazati na posljedice nerješavanja identificiranih problema u narednom periodu)

Opis rješenja i osnovne implikacije:

Opcija 2.

(Opcija djelimičnog rješavanja identificiranih problema parcijalnim normativnim rješenjima ili poduzimanjem određenih mjera izvan kreiranja ili mijenjanja regulatornog okvira)

Opis rješenja i osnovne implikacije:

Opcija 3.

(Opcija usvajanja novog i sveobuhvatnog normativnog okvira ili izmjena i dopuna postojećeg pravnog okvira kojim će se u potpunosti ili u najvećoj mogućnoj mjeri riješiti identificirani problem)

Opis rješenja i osnovne implikacije:

4. Procjena uticaja identificiranih opcija

Izvršite procjenu uticaja u skladu sa članom 12. Uredbe.

Sve uticaje opisati navodeći:

- a) nivo uticaja: a) bez uticaja (ili sa zanemarljivim uticajem), b) značajni uticaji, c) vrlo značajni uticaji
- b) glavne izvore podataka za procjenu,
- c) dostupne podatke i kvantitativne i kvalitativne pokazatelje, te
- d) analizu podataka i procjenu relevantnosti i obima uticaja te zaključak da li je uticaj pretežno pozitivan ili negativan.

Opcije	Opcija 1.	Opcija 2.	Opcija 3.
Fiskalni uticaji			
Ekonomski uticaji			
Socijalni uticaji			
Uticaji na zaštitu osnovnih ljudskih prava i sloboda			
Uticaji na zaštitu životne okoline			
Koruptivni rizici			

5. Uporedna analiza opcija i odabir najpovoljnije opcije

Analizirajte opcije u skladu sa kriterijima iz člana 14. Uredbe.

	Opcija 1.	Opcija 2.	Opcija 3.
Postizanje cilja			
Provđivost			
Jasnoća			
Troškovi primjene			
Usklađenost			
Integralni pristup			
Održivost			
Efikasnost			

6. Odabrana opcija

Navedite odabranoj opciju i dajte obrazloženje razloga za odabir ove opcije kao najpovoljnije.

Odgovor:

7. Provodenje konsultacija

7.1. Navedite podatke iz izvještaja o provedenim konsultacijama (izvještaj se obavezno prilaže) o kantonalnim organima i drugim institucijama Kantona i drugih nivoa vlasti sa kojima su provedene konsultacije, uključujući vrijeme konsultacija, metode konsultacija, zaprimljene primjedbe i sugestije, te ishode koje su konsultacije imale na sadržaj propisa.

Odgovor:

7.2. Navedite podatke iz izvještaja o provedenim konsultacijama (izvještaj se obavezno prilaže) o institucijama, organizacijama i pojedinцима sa kojima su provedene javne konsultacije, uključujući vrijeme konsultacija, metode konsultacija, zaprimljene primjedbe i sugestije, te ishode koje su konsultacije imale na sadržaj propisa.

Odgovor:

8. Praćenje i evaluacija

8.1. Navedite pokazatelje izvršenja i uspješnosti provođenja propisa, koji uključuju polazne i ciljne vrijednosti, izvore i metode prikupljanja i verifikacije podataka, koji će biti korišteni za praćenje provođenja propisa u skladu sa članom 19. Uredbe.

Odgovor:

8.2. Navedite plan za provođenje evaluacije propisa u skladu sa članom 20. Uredbe.

Odgovor:

9. Zaključak

Ukratko predstavite ukupne rezultate provedene procjene uticaja, sa osvrtom na analizu opcija u skladu sa kriterijima, rezultate konsultacija i opisom odabranih rješenja koja se upućuju u dalju zakonodavnu proceduru.

Odgovor:

PRIBAVLJENA MIŠLJENJA KONTROLNIH TIJELA (popunjava se nakon pribavljanja mišljenja i izmjena obrasca u skladu sa mišljenjima)

Kontrolno tijelo	Datum dostavljanja mišljenja i broj akta	Mišljenje priloženo	Mišljenje potvrđuje procjenu uticaja	Sažetak mišljenja i opis izmjena Obrasca 2. i odabranih rješenja u skladu sa mišljenjem	Očitovanje u vezi sa spornim pitanjima u slučaju neslaganja obradivača sa mišljenjem
		DA/NE	DA/NE		
Ministarstvo finansija (daje mišljenje u pogledu provjere procjene fiskalnih uticaja i ekonomskih uticaja)					
Ministarstvo za rad, socijalnu politiku, raseljena lica i izbjeglice (daje mišljenje pogledu provjere provedene procjene socijalnih uticaja)					
Ministarstvo pravde i uprave (daje mišljenje pogledu provjere provedene procjene uticaja na zaštitu ljudskih prava i sloboda)					
Ministarstvo komunalne privrede, infrastrukture, prostornog uredjenja, građenja i zaštite okoliša (daje					

mišljenje u pogledu provjere procjene uticaja na životnu sredinu)					
Ured za borbu protiv korupcije i upravljanje kvalitetom (daje mišljenje u pogledu procjene uticaja koruptivnih rizika u zakonima)					

IZJAVA O PROVOĐENJU SVEOBUHVATNE PROCJENE UTICAJA PROPISA, PROVOĐENJU KONSULTACIJAMA I PRIBAVLJANJU MIŠLJENJA KONTROLNIH TIJELA	
Svojim potpisom koordinator postupka procjene uticaja i svojim potpisom i pečatom rukovodilac obradivača potvrđuju da je provedena sveobuhvatna procjena uticaja propisa u skladu sa Uredbom o procjeni uticaja propisa u Kantonu Sarajevo i drugim relevantnim propisima.	
Datum i mjesto	KOORDINATOR POSTUPKA PROCJENE UTICAJA potpis
M.P.	RUKOVODIOCA OBRAĐIVAČA potpis
Datum i mjesto	

Obrazac 3.

KONTROLNI OBRAZAC O PROVOĐENJU SVEOBUHVATNE PROCJENE UTICAJA PROPISA			
Naziv prednacrta/nacrt/a/prijedloga propisa			
Obradivač (naziv organa)			
Pravni osnov za donošenje propisa			
Datum			
Broj	Elementi provjere	Da	Ne
Osnovni elementi			
1.	Izrađena sveobuhvatna procjena uticaja propisa i uključuje sve potrebne dijelove		
2.	Naziv propisa je naveden i razumljiv		
3.	Naziv obrađivača je naveden		
4.	Izvršena je analiza stanja i utvrđen je problem		
5.	Utvrđeni su ciljevi (opći i specifični)		
Identifikacija opcija, procjena uticaja, konsultacije, uporedna analiza i prijedlog odabrane opcije			
6.	Identificirane su najmanje tri opcije za postizanje utvrđenih ciljeva		
7.	Izvršena je procjena uticaja identificiranih opcija u: a) fiskalnom pogledu b) ekonomskom pogledu c) socijalnom pogledu d) pogledu zaštite osnovnih ljudskih prava i sloboda e) okolišnom pogledu f) pogledu koruptivnih rizika		
8.	Provredene su konsultacije među institucijama i sa javnošću i njihovi ishodi jasno navedeni i dokumentovani		
9.	Izvršena je uporedna analiza opcija prema propisanim kriterijima		
10.	Predložena je odabrana opcija sa obrazloženjem		
11.	Utvrđen je okvir za praćenje, izvještavanje i evaluaciju		
12.	Utvrđeni su pokazatelji uspješnosti provođenja propisa		
Prilozi			
13.	Priložena su mišljenja kontrolnih tijela, sa konsolidovanim Obrascem 2.		
14.	Priložen su izvještaji o provedenim konsultacijama		
15.	Priložen je prednacrt/nacrt/prijedlog propisa, sa obrazloženjem		

Zaključak		
Neispunjeni elementi provjere (navesti pitanja koja su označena sa NE i dati upute za doradu)		
Broj	Pitanje	Uputa
RUKOVODILAC CENTRALNOG KOORDINIRAJUĆEG TIJELA potpis		
M.P.		
Datum i mjesto		